



ज्वजलपा वा:पौ

JWOJALAPA WEEKLY

द्वै ७ ल्या: ३५ (पूर्णडक १३७) ने. सं. ११३७ चौलागा पंचमि आइतवा: २०७४ वैशाख ०३ गते आइतवार (Apr- 16, 2017)

मू द १- पृष्ठ ६

स्थानीय चुनाव जनजाति महासंघ अस्वीकार याइगु

ज्वजलपा वा:पौ /

नेपा:या आदिवासी जनजातियगु मंका:गु संगठन नेपाल आदिवासी जनजाति महासंघ वइगु वैशाख ३१ गते यायेगु धयात:गु स्थानीय तहया चुनाव अस्वीकार याइगु जूगु दु । जनजाति महासंघया राष्ट्रिय भेलां स्थानीय तहया निर्वाचनयात अस्वीकार यायेगु निर्णय सहित खुगू बुँदाया घोषणा पत्र तर्क जारी या:गु दु ।

महासंघय आवद्ध संगठनत, जिल्ला शाखत, सम्बन्धित संस्थात, आदिवासी जनजाति अभियन्तानिसं बुद्धिजीवीत नापं याना स्वस:सिवें अप्व: प्रतिनिधि सहभागी जूगु भेलां उगु कथंया निर्णय या:गु ख: । चैत्र २९ गते व ३० गते त:मु ल्हयूल छोजधिं केन्द्रीय कार्यालय न्हूगु बसपार्कय भेला जूगु ख: । महासंघया अध्यक्ष जगत बरामया अध्यक्षताय क्वचा:गु भेलायात महासंघया संस्थापक महासचिव सुरेश आले मगर, पुर्लापिं महासचिवपिं परशुराम तामाङ, बालकृष्ण माबुहाङ, पुर्लांम अध्यक्ष पासाङ शेर्पा, राजकुमार लेखी, सल्लाहकार पिं मल्ल के सुन्दर, डा. मुक्तसिंह तामाङ, आदिवासी जनजाति विज्ञपिं डा. कृष्ण भट्टचन, शंकार लिम्बु लगायतपिन्सं थ:थ:गु नुग:खं तयादीगु ख: ।

अथे हे भेलाय जिल्ला समन्वय परिषदया अध्यक्षपिं, जातीय संगठनया अध्यक्षपिं, सम्बन्ध संस्थाया अध्यक्षपिं लगायतपिन्सं बिचा: प्वंकादीगु ख: । आ:या अवस्थाय महासंघया धारणा महासचिव नित्यानन्द ताजपुरीयां तयादीगु ख: । देय्न्कंया आदिवासी जनजाति नेतातयगु उपस्थितिइ जूगु उगु भेलाय आदिवासी जनजातिया दृष्टिकोणय नेपा:या संविधान, राज्यया पुनर्संरचना (प्रदेशतयगु नां

ल्या: किटान), स्थानीय तहया संरचना, स्थानीय तहया निर्वाचन, स्वायत्त, संरक्षित व विशेष क्षेत्रतयगु नां ल्या: किटान, आदिवासी जनजातिया समिक्षा व आन्दोलनया स्वरूप, आदिवासी जनजाति आन्दोलनयात राज्यया दमन, आदिवासी जनजाति आन्दोलन व मुद्दाप्रति राजनीतिक दलत व गैर आदिवासी जनजाति समुदायया दृष्टिकोण लगायत आ:या सम सामयिक राजनीतिक परिस्थितिया बारे भेलाय पुच: पुच: दयेका सहलह ब्याका निष्कर्ष पिका:गु ख: । आदिवासी जनजातिया दृष्टिकोणपाखें विभेदकारी संविधान अन्तर्गत घोषणा या:गु आ: जूवनाच्वंगु स्थानीय तहया निर्वाचनया प्रक्रियायात अस्वीकार यायेगु निर्णय या:गु खं घोषणा पतिइ उल्लेख यानात:गु दु ।

‘आसन्न स्थानीय तहया निर्वाचन अस्वीकार आदिवासीया पहिचान व अधिकार सुनिश्चितताया नितिं प्रदेश व स्थानीय तहलय व्यापक रुपं गोष्ठी, अन्तर्क्रिया, आमसभा व प्रचारप्रसार यायेत महासंघया घटक सदस्य संगठन, सम्बन्धन संगठन, जिल्ला समन्वय परिषद, नगर व गाउँ समन्वय परिषद, विदेश शाखात फुक्कसित परिचालन यायेगु जुइ ।’ घोषणापतिइ धयात:गु दु ‘नेपाल आदिवासी जनजाति महासंघया ब्यानरय च्वना निर्वाचनय ल्याये दइमखु ।’

नेपा:या न्हूगु जारी या:गु संविधानया प्रतिगामी प्रावधानत अस्वीकार यानागु धका: तर्क घोषणा पतिइ उल्लेख यानात:गु दु । ‘आदिवासी जनजातितयगु विशिष्ट पहिचानय आधारित प्रदेशत, स्वायत्त, संरक्षित व विशेष क्षेत्रत स्थापनाया नितिं निरन्तर रुपं संघर्ष यायेगु प्रण याना’ धका: तर्क न्हयथनात:गु दु । अथे हे



जातीय पहिचान सहितया संघीय राज्य पुनर्संरचना, जनसंख्याया आधारय पूर्ण समानुपातिक समावेशी, धर्म निरपेक्षता, बहुभाषिक, बहुसांस्कृतिक व बहुराष्ट्रिय राज्य संरचना नापं नीतिइ अडान कायम यायेगु उल्लेख यानात:गु दु ।

महासंघया नेतृत्वय बंगु फागुन १९ गते आन्दोलनया थोथी ज्याभ्क: घोषणा या:गु ख: । विशेष, स्वायत्त व संरक्षित क्षेत्रत दयेकेगु ज्या मयातले बालानन्द पौडेलया नेतृत्वय दयेकूगु नगर पालिका, गाउँपालिका, स्वायत्त क्षेत्र, संरक्षित क्षेत्र व विशेष क्षेत्रया सिमा व संख्या निर्धारण यायेगु नितिं धका: दयेकूगु आयोगया प्रतिवेदनयात अपुरो व अधूरो धका: अस्वीकार याना आन्दोलन यानाच्वंगु ख:सा उगु प्रतिवेदनयात च्याकेगु नापं विरोधया ज्याभ्क: नं महासंघं याना वयाच्वंगु ख: ।

"Be Smart, Be Good"

Salient Features

- Grade teaching classes (play-way teaching learning approach) at pre-primary and primary levels.
- Well-equipped biology, chemistry and physics labs.
- Computer lab with internet facility.
- Homely and natural school environment.
- Homely and hygienic hostel facility.
- Regular & Special music, dance, art and sports activities and field trips.
- Separate playground and dining hall for small kids.
- Audio-visual teaching and learning classes.
- Health care facility.
- Art and sculpture promotion program.
- Psycho-social counselling facilities.
- Multi-sport facilities and children park (future plan).



Admission Open Play Group to Class VIII

**RARAHIL
MEMORIAL SCHOOL**

राराहिल मेमोरियल स्कूल

Kirtipur, Kathmandu, Nepal

Ph. no.: 014-330121, 4331248, 4331249

Email: rarahil@mail.com.np

Website: www.rarahil.edu.np

100% Successful Result with Remarkable Distinction since 2003



ज्वजलपा वा:पौ

सल्लाहकार
श्रीकृष्ण महर्जन
प्रकाशक:

नजरराम महर्जन
सम्पादक

श्रीकृष्ण तण्डुकार
ले-आउट:

ज्वजलपा डेस्कटप
संवाददाता

भरत महर्जन, निरजमान सिंह
थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweekly@gmail.com

सम्पादकिय

स्थानीय तहया चुनाव अस्वीकार याइपिं भन भन अप्वया वल

जारी या:गु न्हूगु संविधान कथं स्थानीय तहया चुनाव वडगु वैशाख ३१ गते यायेगु तयारी सरकार व निर्वाचन आयोगं यानाच्वंगु दुसा न्हिया न्हिथं धाइथें आ: उगु चुनावयात अस्वीकार याइपिं अप्वया वयाच्वंगु दु ।

पहिचान, समानता, समानुपातिक समावेशीताया मुद्दा ज्वना आन्दोलन याना वयाच्वपिं जनजातिया राजनीतिक पार्टीनिसें मधेसवादी पार्टीत तक दुथ्या:गु संघीय गठबन्धन स्थानीय तहया चुनावयात अस्वीकार याना वयाच्वंगु ख: । थ्व हे दथुइ विप्लवया नेतृत्वया माओवादी पार्टी नं चुनावयात अस्वीकार यायेगु नितिं अभियान तिब्र रुपं न्ह्याकाह:गु दु । अथे हे लिपांगु इलय वया डा. बाबुराम भट्टराईया नेतृत्वय् दुगु नयाँ शक्ति नेपाल नापं बैद्य माओवादी लगायत ख्वीच्यागू राजनीतिक दलया नेतात ला रिले अनसन तकं च्वनादीगु दु । निर्वाचनया नितिं थ:पिन्त दलीय हैसियतं चुनावया चिं मबिल धका: इपिं अनसन च्वंगु ख:सा दलीय हैसियतं चुनाव चिं मबिइगु अवस्थाय् चुनावयात अस्वीकार यायेगु धका: घोषणा या:गु दु । थ्व हे दथुइ हाकनं नेपा:या आदिवासी जनजातितय्गु मंका:गु संगठन नेपाल आदिवासी जनजातितय्सं नं यायेगु धयात:गु स्थानीय तहया चुनावयात अस्वीकार यायेगु धका: औपचारिक रुपं निर्णय या:गु दु ।

थुगु कथं स्थानीय तहया चुनाव लिक्क थ्यनावलिसे चुनावयात अस्वीकार याइपिं अप्वया व:गु नापं जनतातय्सं नं चुनाव जुइ धका: विश्वास याये मफयाच्वंगु अले चुनावयात मा:गु वातावरण तकं दयेके मफयाच्वंगुयात सम्बन्धित पक्ष सरकार, प्रमुख प्रतिपक्षनिसें निर्वाचन आयोगं इलय हे ध्यान बिइमा:गु आवश्यकता दु । चुनावया वातावरण दयेकेत नापं सकलसिन चुनावय् ब्वति कायेकेगु नितिं मा:गु कथंया पहल यायेमा:गु आवश्यकता दु ।

गजल शौरभ शाक्यया

गजल-२७



सुइतं नुग:चकंका छक स्व

कत:यात थ: खंका छक स्व ।

प्यन्हुया जिन्दगी म्वायेत भी

मतिनाया स्वां हंका छक स्व ।

चमेलि स्वांथें नस्वाइ जीवन

थ:त मय:गु फुकं तंका छक स्व ।

थाकू न्हाँ ! मय:नापं च्वना त्वनेगु

लँयसं बाक्का पंका छक स्व ।

जिन्दगी छपु गजल जुइ उबले

स्यागु घा: छल्यू लंका छक स्व ।

धार्मिक व वैज्ञानिक विश्व दृष्टिकोण-२



—पूर्ण ताम्राकार

धर्मोदयया ई :

ई वना च्वन । मनुत नं थ: म्वायेगु क्रमय् प्रकृति नाप संघर्ष यायां वना च्वन । जुजुं जंगली जनावर स्याना: इमिगु ला व सिसाबुसा नया: म्वायेत मनुतयत थाक्या वल । छाया:सा छेछे जंगली जनावरत धमाधम म्ह जुया वन धा:सा मेखे मिया आविष्कार जुसां निसें मनुत च्वंगु थासं ता ता: पाक्क जंगली जनावरत बिस्सुं वनेगु यात । गुकिं याना: मनुतयत म्वायेत धौ धौ जुया वल । अले म्वायेया नितिं मनुतयसं सा-मे, च्वलय्चा लहीगु यात । अथे हे ल्वहँया नापं नया ज्याभ: व ल्वाभ: नं दयेके सयेकल । गुकिं याना: लिपा बुँ-ज्या नं सयेकेत तिब: जू वन । वयां लिपा मनुतयसं बुँ-ज्या नं याये सयेकल । थ्व हे इलय कपाय्या बुँ-ज्या नं याये सयेकल । कपाय्या उत्पादन जुसेलि मनुतयसं लँ सुइगु सयेका हल । थुबलय् निसें मनुतयके वस: तीगुया नाप नापं थ:गु म्ह बांलाक छाये पियेगुलिइ न चेतना दया वल । थ्व हे इलय छें दयेकेगु ज्या नं मनुतयसं सयेकल । थुबलय् निसें हे खुसिया सस:तिगु थासय् बल्चा छें दयेका: मनुत च्वनेगु यात । जुजुं पुच: पुच: मनुत मुना: छें-ज्या, बुँ-ज्या व पशुपालन यायेगु यात । थुकथं मनुतयके सहकारि ता व सामुहिकताया भावनां थाय् काल । गुकिं याना: लिपा मानव समाजया उत्पत्ति जुल । सामुहिक कथं नये त्वनेगु व च्वनेगु व्यवस्था लिपा गांया जन्म जुल । अले गामय् थी थी पेशाया ज्या याइपिं मनुतयगु कार्य विभाजन जुल । लिपा वना: इहिपा यायेगु मनु सित धा:सा सीम्हयात गा: म्हुया गालय् थुना छोयेगु वा मी उना छोयेगु नं याना हल ।

थुकथं हे मनुतयगु परिवार विकासया नाप नापं सामाजिक जीवनया विकास नं जुजुं वन । अयसां मनुतयके प्रकृतिया बारे छुं ज्ञां मदु । प्रकृति परि वर्तन गुकथं जुइ धयागु खँ छुं मस्यु । उबलय् तकया मनुत छगू कथं प्रकृतिया दासी जुयाच्वन । उकिं थ्व इलय समाज वा गांया नाय: वा थकालि जुया च्वपिसं थ:पनिगु स्वार्थ पूर्तिया निति साधारण मनुतयत काल्पनिक द्य:या बारे अनेक भ्रम वीगु शुरु यात । अले उबलय् निसें हे मनुतयत धार्मिक चिन्तन व मनन यायेत बाध्य याना बिल । पृथ्वी नं न्याइगु, वा फय् वडगु, भुखाय् ब्वडगु, सूर्य: चन्द्रमा व

मि थें या:गु वस्तु खना: ग्याना: अपिं वस्तु तसकं शक्तिशाली भा:पिल । अपिं वस्तुयात द्य: भा:पा: पूजा यायेगु यात । द्य:या तं क्वलाकेत वा शान्त यायेत थ:हे जहान परिवारया दुज:त नं बलि वीगु यात । अथे हे मनुष्य जीवनय् जुइगु अनेक दुख सुखया बारे नं दैवी व दानवीय शक्तिं हे अथे जुइगु ख: धका: बिचा: यायेगु यात । थ्व हे इलय् मूर्ति पूजा यायेगु, बंगल सिमा व शिव लिंगया पूजा यायेगु नं शुरु जुल । थुकथं मनुतयगु चिन्तन मननया दथुं हे धर्मोदय जुल । द्य:या सृष्टि जुल । स्वर्ग व नर्क धयागु दत । पाप व धर्म धयागु दत । थुकथं धर्मोदय जूगु इसा पूर्व १५६: निसें ३ द्वा: दै न्य:या दथुइ जूगु धयागु इतिहास विज्ञतयगु धापु दु ।

धर्मोदय जुइ धुंका:या ई :-

ईसा पूर्व तीन हजार दै न्य: तककया मनुत च्वये ब्वने मस:गुलिं उबलय् तक धर्मोदय जुइ धुंकासां च्वयात:गु धार्मिक ग्रन्थ छुं नं मदु धयागु धापु दु । उकिं धर्मय् आस्था तया च्वपिं मनुतयसं द्य:या तुत:या नितिं मन्त्र दयेकेगु यात । अले व मन्त्र कण्ठ याना: लिपाया थ: संतानतय् न्यंका: कण्ठ याकेगु यात । लिपा मनुतयसं च्वये सयेवं मन्त्र नं च्वयेगु याना हल । अले उबलय्या मनुतयसं च्व:गु मन्त्र दुगु ग्रन्थयात हे थौं कन्थ्या धार्मिक ग्रन्थ 'वेद' धायेगु याना हल । थुकथं वेदय् च्वंगु मन्त्रत इसा पूर्व ३००० निसें १५०० तककया दुने दयेकूगु धयागु धापु दु । अले पुरोहित, धर्मगुरु, चर्च व पादरीतय्सं वेदया लिउ उपनिषद महाभारत, रामायण, गीता, बाइबल, कुरान, मनुस्मृति थें ज्या:गु अनेक धर्मग्रन्थत दयेकल । छेछे उकथं धर्मया विकास जुजुं वन धा:सा मेखे उबलय् समाजया विकासं याना: राज्यया नं उत्पत्ति जुल । छेछे उकथं धर्मया विकास जुजुं वन धा:सा मेखे उबलय् समाजया विकासं याना: राज्यया नं उत्पत्ति जुल । राज्यया उत्पत्ति सामन्ती शासक वर्गया अभ्युदय जुल । थुबलय् निसें समाज सिइ दयेक हे शासक (शोषक) व शासित (शोषित) वर्गय् कुचा दल । शोषक वर्ग शोषित वर्गयात अत्याचार शासन याना: शोषण यायेगु यात ।

हानं जनसंख्या अप्वया वंगुलिं व मनुत धमाधम चेतनशील जुया व: लिसे शासक वर्गतय्त शासन यायेत तसकं थाकुल । अले धर्म गुरुतय्त ल्हातय् कया: धर्मशास्त्रया लिधंसाय् शासकतय्सं थ:यात द्य:या अवतारी धका: मखुगु खँ प्रचार याना: शासन यायेगु यात । गुगु अन्ध परंपरायात कय् च्याना: थौं नं विश्वया गुलिखय् देया शासकतय्सं शासन यायेगु याना च्वंगु मदुगु मखु । थ:यात द्य:या अवतारी धका: धया: शासन याये पल्के थुपिं जार, लुइ, मन्खु व चार्ल्स थें ज्या:पिं निरंकुश शासकतय्सं विश्वया गुलिखय् जनताया त्या:चा: मदयेक हत्या याना वंगु घटनायात सुनां नं गुबलें नं लोमंके फइ मखु । अथे हे थौं नं विश्वया गुलिखे शासकतय्सं धर्मया लिधंसाय् गुलिखय्

फासिष्ट दमन व नरसंहार ज्या याना च्वंगु मदुगु मखु । धर्मयात शोषण-दमन यायेगु ज्याभ: वा यन्त्र धा:गु नं उकिं हे ख: ।

धार्मिक विश्व दृष्टिकोण :-

पृथ्वी हे द्यवं दयेकूगु द्यवं हे मनुष्यया सृष्टि या:गु अले द्य:या कृपां हे मानव समाज बुलुहुं च्वन्थ्यान्थ्या थौया समाजय् हिउगु धयागु दर्शनयात हे धार्मिक विश्व दृष्टिकोण धका: धाइ । उकिं थ्वकि पृथ्वी वा फय् वडगु, न न्याइगु, भुखाय् ब्वडगु, तत:धंगु संक्रामक व महामारी ल्वचं द्रलं द्र: मनुत सिइगु नं भौतिक वस्तुया कारणं जुइगु मखुसे मनुत खना: द्य: कोप जुल कि अथे जुइगु धका: दैवी शक्तिइ हे विश्वास याइ । मनुष्य जीव नया दुख(सुख नं पूर्वजन्मया पाप व धर्मया फलं जुइगु ख: धका: मनुष्य जीवन मुक्कं धर्म नाप स्वाये यंकी । थुकथं विश्वया सृष्टि निसें कया: मानव समाजया विकास, इलय् ब्यलय् भौतिक पदार्थया कारणं जुइगु प्राकृतिक घटना, मनुष्य जीवनय् जुइगु थी थी घटना व नैतिकता थें ज्या:गु फुकक खँया ब्याख्या हे द्य: थें ज्या:गु काल्पनिक दैवी, अदृश्य शक्ति व धर्मय् आधारित दर्शन जूगुलिं हे थुकियात धार्मिक विश्व दृष्टिकोण धायेगु या:गु ख: ।

धर्म नाप अध्यात्मवादया तप्यंक स्वापू ला मदु । अयसां विश्वय् जुया च्वंगु प्राकृतिक घटना, मानव समाजया विकास, मनुष्य जीवनय् जुइगु थी थी घटना व विश्वयात स्वइगु दृष्टिकोण धार्मिक व अध्यात्मवाद निगुलिंया दृष्टिकोण व हे ख: । धार्मिक विश्व दृष्टिकोणया मूलिधंसा द्य: थें ज्या:गु काल्पनिक दैवी, अदृश्य शक्ति व धर्मप्रति अगाध आस्था हे अध्यात्मवादया नं मूलिधंसा ख: । मेकथं धायेगु ख:सा अध्यात्मवादं याना च्वंगु विश्वया बारेया फुकक ब्याख्या हे धर्म व धार्मिक चिन्तन मननय् आधारित जूगुलिं अध्यात्मवादयात हे धार्मिक विश्व दृष्टिकोण नं धायेगु या: ।

उकिं अध्यात्मवादया फुकक दर्शन धार्मिक मान्यता, धार्मिक अन्धविश्वास, अन्ध परम्परा व धार्मिक संस्कारय् आधारित जुया च्वंगु दु । अध्यात्मवाद ई:पू सच्छि दै न्य:निसें एरिस्टोटलया दर्शनया मू ब्व: (अंश) कथं प्रयोग जुया वया च्वंगु ख: । लिपा मध्यय युगय् वया: थ्व दर्शन धर्मशास्त्रया छगू अंग जू वन । थौया इलय् थ्वइत वैज्ञानिक विश्व दृष्टिकोणया विरोधी दर्शन कथं छयला च्वंगु दु, नाला च्वंगु दु । थ्व अवस्तुवादी दर्शन ख: । गुलिखे मनुत थ्व अध्यात्मवाद दर्शनया हाहालय् जुया: संसारयात दुखमय तायेका: छेंय् नं पिहाँ वनी, समाज पिहाँ वनी । गुलिसियां थत जीवन भर दुखी तायेकी । उकिं गुम्हं सन्यासी, बाबाजी जू वनी । अले गुम्हं फकीर जू वनी । गुम्हं भिक्षु जू वनी । थुकथं थ्व दर्शनं मनुतयत पलायनवादया लँपुइ यंकीगु जूगुलिं थ्वइत पलायनवादी दर्शन धका: नं धाइ ।

कथं



समावेशी सञ्चारया निंति नेवा: पत्रकार राष्ट्रिय दबूया पत्रकारिता तालिम क्वचाल

यल । नेवा: पत्रकार राष्ट्रिय दबूया ग्वसालय नेवा: समाज दुने थीथी जाती खल: पुच: पाखें म्होति न छम्ह व्यावसायिक पत्रकार उत्पादन यायेगु तातुना चैत २७ गते आइतवार: निसे २९ गते मंगलवार: तक स्वन्ध्यंक छगू आधारभूत पत्रकारिता तालीम न्ह्यात । यल क्षेत्र नं. २ या सासंद भाजु चन्द्र महर्जनजुया निर्वाचन क्षेत्र विकास कार्यक्रमय दुथ्यागु जिल्ला समन्वय समितिया संयोजनय न्ह्यागु उगू तालीम ज्याभ्व: जावलाख्यलय तमक:ध्याय ताम्राकार समाजया सभाहलय न्ह्यागु ख: । नेवा: पत्रकार राष्ट्रिय दबूया नायो भाजु श्रीकृष्ण महर्जनया नायोसुइ जूगु छगु ज्याभ्वलय सासंद भाजु चन्द्र महर्जन त्वादेवा च्याका उगु ज्याभ्वया उद्घाटन याना दिगु ख: ।

नेवा: पत्रकार राष्ट्रिय दबूया नोक व प्रशिक्षण विभाग प्रमुख भाजु सुरजवीर बज्राचार्य तालीमय ब्यतिकया दीपिं भाजु मयजु पित्त लसकुस यासैं लसकुस न्वचु बिया दिलासा मूछ्याञ्जें व कार्यक्रम संयोजक भाजु सुनिल महर्जन ज्याभ्वया तातुनायात कया थगु खैं कना दिला ।

अथेहे ताम्राकार समाजया सभाहल बिया ग्वहाली यानादीम्ह, ताम्राकार समाजया नायो व विशिष्ट अतिथि भाजु रवीन्द्रराज ताम्राकार तालीमय ब्यतिकयादीपित्त हपा: बियादिसैं तालीम कायेगु जक तधंगु खैं मखु उकियात ज्याख्यलय न छयले फत धासा जक: भीसं यानागु कुत: सुथां लाइ धया दिला । मूपाहाँ सासंद भाजु चन्द्र महर्जन आदिवासी नेवा: त संस्कृतिइ तमि जूसां नेवा: समाज मेमेपिं समुदाय सिवें लिपालाना च्वंगु धैगु थगु खैं न्हयब्वया क्यने मफूगु नि ख: धया दिसैं थ्व तालीम छुं भचासां तीब बिई धया दिला । लिसैं न्ह्योने वया च्वंगु स्थानीय चुनावं न्यादैंया निंति स्थानीय सरकार गठन जूइगु नि थुकि भिजन दुम्ह नेता ल्यया छवयेत पत्रकारिताया भूमिका अप्व दु धयादिला । नायो भाजु श्रीकृष्ण महर्जन समाजया हयूपाया संवाहक धैपिं संचारकमि त ख: धयादिसैं थुगु तालीम काये धुंका थयगु समुदायया समाचार थयगु थासं थम्हेस्यां हे सम्प्रेषण यायेफइ धयादिला । उगु उद्घाटन सत्रया उद्घोषण नेवा: पत्रकार राष्ट्रिय दबूया यलकचा छ्याञ्जें भाजु राजेश बज्राचार्य

याना दीगु ख: । उद्घाटन सत्र लिपा प्रशिक्षकपिं भाजु सुनिल महर्जन पत्रकारिता इतिहास व महत्व, भाजु सुरेशकिरण मानन्धर आमसंचार व पत्रकारिता, अथेहे भाजु सुरजवीर बज्राचार्य रेडियो पत्रकारिता व भाजु श्रीकृष्ण महर्जन टेलिभिजन पत्रकारितायात कया प्रशिक्षण बिया दिला । प्रशिक्षणया भ्वलय कन्हय खुनु रेडियो सगरमाथा, अनलाइन पत्रिका व नेपालमण्डल टेलिभिजन वया ज्याकुथिई फिल्डभिजिट ज्याभ्व: जूगु ख । कंस खुनु सुथसिया सत्रय प्रशिक्षकपिंस छुनु न्ह्योया तालीम ज्याभ्वय या समीक्षा व रेडियो व छपा पत्रकारिताया व्यावहारिक व प्राविधिक ज्ञान बिया दिला । उखुनु हे ज्याभ्वया समापन समारोहलय प्रशिक्षक पित्त मतिनाया पौ व पाहाँ मूपाहाँपित्त मतिनाया चिं लल्हायेगु ज्या जूलसा समारोहया मूपाहाँ स्थानीय विकास अधिकारीजुं व सासंदजुं प्रशिक्षार्थीपित्त प्रमाणपत्र लल्हाना दिला । नेवा: समाज दुने थीथी जाति पुच: या प्रतिनिधित्व यानादीपिं थ्यंमथ्यं स्वीम्ह भाजुमयजुपिंस उगु तालीमय ब्यति कया दिगु ख: ।

**WE ARE OPEN FOR
ADMISSION**

**Innovative
Preschool
2017**
"A Gateway to Excellence"

- # Small Class Size
- # Wide and Varied Curriculum
- # Trained Teachers and Professionals
- # Spacious Location
- # Library
- # Earthquake Resistant Building

Age 2+, 3+, 4+ Group

**Contact: Panga, Pragati Path, Karki tole
Ph: 014334117, 9841301858**

ADMISSION OPEN !!!

**Bagh Bhairab
Boarding High School**
proudly announces
admission open for
**Play Group (PG)
to Grade VIII**

For more details, please contact;

**BAGH BHAIRAB
BOARDING HIGH SCHOOL**
Panga-dobato, Nayabazar, Kirtipur 17
Tel. 014330141, Mo. 9841292969
Email: baghbhairabbhs@gmail.com

लहना वा:पौया दँमुज्याय् प्यम्ह व्यक्तित्वपिं सम्मानित



नेपालभाषया वा:पौ लहनाया प्यक्व:गु दँमुज्याय्या लसताय् जूगु ज्याभवलय् नेपालभाषाया कला व संस्कृति च्वन्त्याकेगु निंति योगदान यानादीपिं प्यम्ह व्यक्तित्वपिन्त थीथी सिरपालं सम्मान या:गु दु । थ्वहे भवलय् बरिष्ठ समालोचक प्रा.माणिकलाल श्रेष्ठयात दाता पञ्चवीर सिंह तुलाधरं रु.२०,२२२/ तका दाँ सहितया पञ्चवीर पुरस्कार ल:ल्हाना दीगु ख: । अथे हे चलचित्र व पत्रकारिताया माध्यमं योगदान यानादीम्ह पत्रकार विजयरत्न तुलाधर “असंबरे”यात लहना सूर सम्मान ल:ल्हा:गु ख: । अथे हे पत्रकार सुनिल महर्जनयात लहना मोहिनी सिरपा: व राष्ट्रिय समाचार समितिया प्रधान सम्पादक राजु शाक्ययात लहना धर्म मोति पत्रकारिता सिरपा ल:ल्हा:गु ख: । सिरपाकया सम्मानित जुयादीपिन्त सिरपाया दातापिं सुरबहादुर श्रेष्ठ, लक्ष्मण गमाल व मोहिनी श्रेष्ठ म्हातिं भिद्र: भिद्र: तका ल:ल्हाना दीगु ख: ।

उगु ज्याभव:या मूपाहाँ जनकवि दुर्गालाल श्रेष्ठं सम्मानित व्यक्तित्वपिन्त सिरपा: बिया: सम्मान यानादीगु ख: । सुरजवीर बज्राचार्य, आराध्य लक्ष्मी खड्गी, अन्जन श्रेष्ठ, भिम तुलाधर, पंकज श्रेष्ठ, रिता मर्हन, दीपा महर्जन लगायतया कलाकारपिन्सं सांगितिक ज्याभव: न्ह्यव्व:गु ख: ।

लहना पत्रिकाया सम्पादक जुजुमान महर्जनया नायोसुइ जूगु उगु ज्याभवलय् व्यवस्थापक सुरेन्द्र भक्त श्रेष्ठं लसकुस न्वचु बियादीगु ख: । सम्मानित जुयादीपिं प्यम्हसिं थ:थ:गु नुग: खँ तयादीगु ख: ।

अथे हे मूपाहाँ जनकवि दुर्गालाल श्रेष्ठं पत्रकारिता लागाय् नं थुलिमछि सिरपा: दुगु तसकं बांलागु खँ ख: । थुलिमछि सिरपा: तयफुगु हे लहना वा:पौया सफलता ख: धयादिल । ज्याभव: विराजकाजी राजोपाध्याय नं न्ह्याका दीगु ख: ।

संस्कार ?

सृष्टि श्रेष्ठ

संस्कारया परिभाषा जीवनयात सुथांलाक्क हनेगु निंति समाजयापिं मनूत मिलय् जुया दय्कात:गु नीतिनियम ख: धका: बिइगु याइ । सुथां लाक्क हनेगु धैगु मतलब ख: अ:पुक व बांलाक । संस्कार दुने मनूत वू बलय् निसं सी धुंका: तक्कया विधि व्यवहारत लाइ । तर जिं छुं न्हि न्ह्य: जक भोगय् यानागु संस्कारया ज्यां जिगु मनय् छगू न्ह्यस: ब्वलन ।

बाछि न्ह्यया खँ ख: । जिमि कका बाज्या छम्ह मन्त । व कका बाज्या व वय्क:या परिवार नाप जिगु परिवारया बांलागु हे सम्बन्ध दु । जिमिगु आगं नं छगू हे तिनि । मोहनी बलय् जिमि मोहनी सिन्ह: तीगु, पाय: पिकायगु आ:तक नं वय्क:या हे छैय् याना: वया च्वनागु जुया जि भिंस्वन्हु तक हे दुखं च्वने माल । व भिंस्वन्हु दुखं च्वनागु बलय् न्हापा लिपा थें छ: पुज्याय् मजिल, य: य: थें नय् मजिल, जा थुइथाय् थिइ वने मजिल, कपिं मनूतय् थाय् छैय् वने मजिल, छाया धा:सा जि दू माला च्वन । उलि तक ला थिक हे जू धाय् तर थन खँ म्व: ल्हइगु, सफा याय्गु, वस: हिइगुया वल । दू मा:गु इलय् थज्यागु छुनं ज्या याय् मज्यु हँ छायाकि भिंपिं दुखय् च्वना च्वपिं हँ । उके जिगु मनय् विचा: वल थ्व गुज्यागु संस्कार ? मनूतयत फोहोर याना: तइतया: जीवन गथे सुथां लाइ ? खय्फु दुखं च्वने बलय् समा: याना: बांलाका: जुइ मज्यु तर वस: हे हिइ मज्यु, म्व: हे ल्हइ मज्यु धका: भिन्हु तक छुं मया:से च्वनाच्वनेगु व नं थौया युगय्, गुलि तक वैज्ञानिक अलय् गुलि तक व्यवहारिक जू ? न जिमिगु स्यस्य: कुलय् जक थज्यागु नियम ख: कि वा दक्कं समाजय् हे थज्यागु नियम दु ? थ्व संस्कारय् छुं वैज्ञानिकता दुसा व छु ख: ? संस्कारला ई नापं, समाज नापं परिमार्जित जुजुं वनी धका: ब्वनागु ख: । तर थ्व मृत्यु संस्कार स्वयं बलय् भीसं ई नापं व्यवहारिक कथं परिमार्जित याना: यंकेगु मफुगु थें जित: ताल । भीगु जीवन यात अफ्र थाकुकीगु, ईया हिउपा: नापं हिले मफया च्वंगु, व्यवहारिक मजगु थज्यागु संस्कार आखिर भीसं गबले तक हनेगु ?

ज्येष्ठ नागरिक सेवा केन्द्र पाँगाया न्हापांगु बुन्ति



ज्वजलपा वा:पौ /

२०७३ साल वैशाख ४ गते पलिस्था जूगु ज्येष्ठ नागरिक सेवा केन्द्र पाँगां ज्येष्ठ नागरिक पिनिगु निंति दिवा सेवा याना

वयाच्वंगु दच्छि दत । दच्छि दुगु लसताय् वैशाख ४ गते पाँगा लाछि च्वंगु विष्णुदेवी व बाल कुमारीया पुजा याना हनेगु खँ क्व:छय्गु ख: । पूजा यायेत

साइत स्वबलय् विष्णुदेवी व बालकुमारीया पूजा सनिवा: यायेमा धका: गुरुजुं धा:बलय् थ्वहे वैशा ९ गते यायेगु क्व:छय्गु ख: । वैशाख ९ गते सनिवा: सुर्वासिया ८ वजेतिसे न्हिनसिया १ वजेतक न्हापांखुसि विष्णुदेवी व बालकुमारीया यज्ञ होम याना गर्भपात्र पूजा याना: च्याम्व व डमरु छाइगु जूगु दु । उगु पुजाय् ब्वति कया: भौतिक वा आर्थिक ग्वाहालि यानादीत ज्येष्ठ नागरिक सेवा केन्द्र पाँगां इनाप या:गु दु ।

प्रयास प्रि-स्कूलया उद्घाटन



किपू नगरपालिका वडा नं.७ भाजंगलय् थुगुसी तिनि चाय्कूगु प्रयास प्रि-स्कूल तथा ट्रेनिङ सेन्टरया उलेज्या छगू ज्याभव: यासं म्हिग वैशाख २ गते सनिवा: जुल ।

स्कूलया व्यवस्थापन समितिया नायो प्रकाश महर्जनया सभानायोसुइ जूगु उगु ज्याभव:या उलेज्या मूपाहाँ काठमाडौं जिल्ला शिक्षा अधिकारी जया प्रसाद आचार्यजुं त्वारवालय् मतच्याका: अले भाजंगा: त्वा:या मिजंम्ह ज्येष्ठ नागरिक कुल बहादुर महर्जन व मिसांम्ह ज्येष्ठ नागरिक पुन: माया महर्जन व जिल्ला शिक्षा अधिकारीं स्वपू रिबन चाना: उलेज्या यानादीगु ख: । स्कूलया चौरय् मञ्चा दयेका: त:गु वाफय् वया स्यंगुलीं स्कूलया छगू कोथाय् या:गु ज्याभवलय् कोथा जाया: नं पिने नापं खचाखच मनूत दुगु ज्याभवलय् स्कूलया प्रिन्सिपल शिलु महर्जन लसकुस याना दिल । लसकुस न्वचु विइगु भवलय् प्रिन्सिपल शिलु महर्जन स्कूल पलिस्था यानागु आजु व स्कूलया बारे छत्वा:चा खँ न्ह्यथनादीगु ख: । बाल विकास शिक्षाय् यक्व अनुभव व तालिम दुपिंन्सं थ्व स्कूल चायेकूगु ख: । थन दच्छिदुपिं मस्तयत दे केयर, २० महिनां च्वय्यापिन्त प्लेगुप, स्वर्दीनसं नर्सरी, प्यदं दुपिं लोवेर किन्दरगार्टेन व वयां च्वयेयापिं अप्पर किन्दरगार्टेन याना न्यागु समूहलय् भर्ना कया ब्वंकेगु जुइ धयादिल ।

भिन्तुना न्वचु प्रा.डा.शिवशरण महर्जन, प्रा.डा.हरि महर्जन, नगरपालिकाया प्रतिनिधि सानुबाबु परियारं बियादिल । मूपाहाँ जया प्रसाद आचार्यजुं सुर्वासिया निभालं न्हिनय्या अवस्था क्यनी धाथें शौकन्हय् मस्तयगु भविष्य बांलाकेया निंति थुज:गु प्रि-स्कूलया तसकं आवश्यकता दु । मस्तयगु म्हितेगु माध्यम शिक्षा बिइबलय् इमिसं याकनं थुइका: कायेफइ धयादिल । सभा नायो प्रकाश महर्जन स्कूलया विशेषताबारे कनादिसं ज्याभवलय् भायादीपिं सकसितं सुभाय बिया ज्याभव: क्वचायेका दिल ।



नेपालमण्डल टेलिभिजन व ललितपुर मलया ग्वसालय् जूगु नेपालमण्डल दाफा महोत्सव वंगु चैत्र ३० गते बुधवा: औपचारिक रुपं क्वचा:गु दु । वंगु स्वन्ति नख:या क्व:पुजाया दिननिसं फागुन २१ गते तक शुक्रवा: व शनिवा: पतिकं जूगु उगु दाफा महोत्सवय् मुक्कं याना सच्छि व न्यय्स्वंगू दाफा खल:पाखें ब्वति का:गु ख: । दाफा महोत्सवया औपचारिक रुपं समापन या:गु समारोहलय् नेपालमण्डल दाफा महोत्सव निर्देशन समितिया नाय: सताब्दी पुरुष नापं संस्कृतिविद् सत्यमोहन जोशी दाफा खल:तय्त दसिपौ ल:ल्हानादीगु ख: । निर्देशन समितिया छयाञ्जे श्रीकृष्ण महर्जन न्ह्याकादीगु उगु समारोहलय् निर्देशन समितिया न्वकू नेपाल डंगोल लसकुस न्वचू बियादीगु ख:सा नेपालमण्डल टेलिभिजनया नाय: रमेश महर्जन सुभाय न्वचू बियादीगु ख: ।

साहित्य उपन्यास -

जन्ति न्ह्यात

च्वमि-- मदन गोपाल प्रधान “क्वाःघासा”

३ स्वव्व:- १

जःगु ल्हातिइ लै छथू व धनिया छकले अले खःगु ल्हाःया च्वलापतिलय् ला छप्व दुगु प्लास्तिक म्हिचा छपाः यखानाः याननिसें भ्याः पाखे मिखा व्वयेकाः वया च्वंम्ह भ्याः क्वय् थ्यनिवं दिनाः थस्वयाः धाल, “जितः म्ह स्पूला, श्री ?”

“ए, गुनसिं दाइला ? छाय् म्हमसिइ थः त्वाःयाम्ह दाजुयात ।” न्हिला ख्वालं श्री धाल ।

“गबलय् वयागु ? म्हं फुला ?”

“थिक हे जू । म्हिगः बान्थिइ थ्यंगु । गुनसिं दाइयात म्हं फु मखा ?”

“फु हे धायेमालका, बाबु । आः हानं वने मानिगु ला ?”

“वने म्वाल । सिधयेकाः वयागु । थहाँ भासँ ले ।”

“थौं म्हाँल, श्री । कन्हय् कंस वयेका । छें हाला च्वनि तरकारी न्याः वंम्ह आःतकं मथ्यनि धकाः । छें वाले, न्हि ?” धयाः गुनसिं थःगु लँ लिनाः वन ।

“सुनापं खँ ल्हानाः च्वनागु ?” धकाः मांम्हेसियागु न्ह्यसः तासैलि भ्यालं दुसिनाः श्री धाल, “गुनसिं दाजुयात तले थहाँ वा धयागु का ।” “मवः ला ?”

“लिबात है । तरकारी न्यानाः भ्फाःगु । कन्हय् कंस वये हैं ।” धयाः मांम्ह ज्वना वःगु च्या कप कयाः श्री लिक्कसं च्वंगु सोफाय् फ्यतुत ।

मां काय् निम्हेसियां च्या त्वन । च्या त्वनाः च्वंम्ह मनमायाया मिखा थः काय्याके । च्या कप म्हुतुसिइन्तुं दिकाः लुदक्क स्वया च्वन । काय्यात स्व स्वं मयजुं धाःगु खँत लुमंका हल । मयजुं धाःखतं मिसा मचा श्रीयात मत्वः मजू धयाथें मतिइ तयाः धिकिं नं च्या त्वना च्वन ।

च्या त्वने धुंकाः मांम्हेसित स्वयाः श्री धाल, “छु तरकारी दयेकादिइ त्यनागु ?”

“खायु ककःचा पुकेगु । अले सुकुला छयायेगु ।” “अचारले ?”

“तेव् ल्वाकछयाना गोलभेराया दयेकेगु ।

“अय्सा पसः नि वना वये ?” धकाः श्री दन ।

“म्वाः । तेवू निगःचा तले दु । ला छधानिया सुकुला हिला तयागु बछिं मयाक्क ल्यं दनि । ककःचा व गोलभेरा भीथाय् केवय् हे दु । खाना तले तयाथके धुन ।”

“धाथें मांया केवय् छु छु पिना तयादियागु दु ?”

“याकचां छु नि याये फइ ? इलय् वेलय्यागु छता निता पिना तयागु दु । का, जिं जाथू वने ।” धकाः प्वंगु कप निगः ज्वनाः मनमाया तले वन ।

श्री नं दन । तःकूगु ख्वाःहुसा छकू व्वहलय् पाछात । वा च्वलेगु ब्रशय् पेष्ट तल । खःगु ल्हातिं साभों बत्ता ज्वनाः कोथां पिहाँ वन ।

म्वःमी ल्हइ सिधयेकाः श्री केवय् वन । मांम्हेसिनं छता निता पिना तयागु धकाः धाःगु ला च्याता फ्रित्तां मयाक्क तरकारी पिना नं थीथी स्वां ह्वयेकाः तःगु खनाः घौपलख श्री वातां च्वनाच्वन । थः मांया कुतः खनाः श्री में बान्याना च्वन ।

गुला गुला मछि गर्भय् तयाः जन्म जक व्यूगुमखु । नकै त्वकै यानाः तःधिकः जक याःगु मखु । थःपुतायात तःजि यायेत कुतः जक याःगु मखु । मनू जुयाः म्वाना च्वनेगु छगू बांलागु कथं हंगु प्रेरणा नं वया मांम्ह वयात व्यूगु दु । छम्ह विदुषी मांयाके जक दैगु वयागु गुण थः मांयाके

नं दुगु खनाः श्री मनं मनं मनमायायात नमस्कार यात ।

छ्यनय् लः स्वःमन्यनिगुलिं ख्वाःहुसां छ्यनय् हुहुं छम्ह बालि विशेषज्ञथें केवय् पिना तःगु सकतांलय् मिखा व्वयेक व्वयेकुं श्री उखे थुखे जुया च्वन । छगू हे थासय् धुवाधू इरूथिरु जुया च्वंगु नं वं मचाः ।

केव लुखाया खापा चाःगु सलं श्रीया पलाः दित । लुखा खलुइन्तुं दनाः वास्यां न्हिलाः च्वंम्ह भिंखुदं भिंन्हय्दँति दुम्ह छम्ह मचा ल्याय्म्हयात स्वयाः श्री वातां च्वन । गनं खनाथें, गनं नापलाये धुंकुम्ह थें जुयाच्वन श्रीयात । तर थये हे धकाः क्वजिइके मफया च्वन । थःयात म्हसिकेमफुगु खनाः व मचाल्याय्म्ह मुसुमुसु न्हिलाः श्रीपाखे स्वया न्ह्याः वयाः धाल, “श्री दाइनं जितः म्हमसिल थें च्वं ।”

‘ए, नवनि्त मखुला छ ? गुलि पाना च्वंगु । बाफ रे ! छला ल्याय्म्ह धकाः जुया च्वन । छंगु सलं जक म्हसिके फत ।” धकाः ल्हाः ज्वनाः सालाः पाछिनाः धाल, “हालखबर छु दु ले, नवनि्त ? सकलें म्ह फु मखा ?”

“ठिक हे जू । श्रीदाइयात ले ?”

“जितः नं ठिक हे जू । अँ, जि वःगु छं गथेसिल ?”

“गुनसिं ककां त्वालय् च्वपिन्त धयाच्वंगुलिं । श्रीदाइ गबलय् थ्यंगु ?”

“म्हिगः बान्थिइ । त्यानुसे च्वंगुलिं म्हिगः प्याहाँ वयेमफुत । जा नये धुंका नापालाः वयेगु बिचाः यानागु । छं हे सिइका वल । बेस हे जुल । अले, व्वने ज्या छु जुयाच्वन ?”

“आइ.एस्सी. दसिपौ छगूगु दँय् ब्वना च्वना ।”

“वधाइ दु, नवनि्त छन्त ।” धकाः श्रीं थःग जःगु ल्हाः न्ह्यव्वयाः श्रीया ल्हाः नापं थःगु ल्हाः स्वात । न्हिला ख्वालं श्रीयात छकः स्वत ।

ल्हाः स्वाका मिखां स्वःगु नवनि्तया व पहलं न्हापा वःचाधिकः बलय् सियागु वयागु पह श्रीं लुमंकल । गुड मर्निङ्ग यायेगु मखुला धकाः श्रीं धाइबलय् वःचाधिकम्ह व नवनि्तं ल्हाः स्वाका मछाः ख्वालं पुलुक्क स्वइगु लू श्रीया न्ह्यने दँ वल । अले, नापं “गुड मर्निङ्ग नं धाये माःका” धकाः वया तता पिजः नं नवनि्तयात धाइगु सः नं श्रीया न्हाय्पनय् नकतिनि जक धाःगु थें च्वंकक थ्वल ।

ल्हाप्सा जक त्वयेमाः नं मन्याइगु ला खँ हे मदु । न्हापा छकः न्यागु फिट व प्यंगू इन्च दु धकाः थःगु म्हधिकः या जाः कंम्ह पिजःया आकृति थौं हे थें च्वंकक वया न्हातिकाया दथुइ लाक्क तिना तःगु वाउँगु चिकिचा फुतिगु सिन्हः यात त्वयेक वाउँगु तुं हाफ ब्लाउज व सारीं सिनाः त्रिभुवन अन्तर्राष्ट्रिय विमान स्थल तक वयाः तः वःगु नं वं लुमंकल । प्लेनय् च्वनेत टर्मिनल जुयाः व वं लिफः स्वःबलय् क्यातुसे तुइसे च्वंगु ल्हाःसंकाः बाइ बाइ याना च्वंगु लू नं न्ह्यने दं वल । पिने वना व्वंवनेगु स्कलर्शिप दत धकाः श्रीं न्यंकूवलय् तसकं हे आनन्द तायेकूम्ह पिजः, आः वइगु मंगलवार खुनु व्वयेगु जुइ धकाः धाःबलय् नुगः मछिं ख्वाः तया केलेहें लूगु मिखा छकः श्रीपाखे पुलुक्क व्वयेका, “छिगु व्वनेगु ज्या फत्ये जुइमाः !” धकाः व्यूगु सुवाः नकतिनि हे जक व्यूगु थें च्वंकक श्रीया न्हाय्पनय् लिथ्वल । पौ च्वयेगु ज्या निरंतर जुइमाः धयागु खँ निम्हेसिनं त्वःमंके मदु धकाः याःगु बाचा नं लुमंसि वयेकल । अले दत्याति न्ह्यवनिसें पिजःया पौ मवःगुलिं वयागु व्वने ज्याय् हे बाधा जुइक मन थातय् मलाः बलय् सियागु अवस्था हानं छकः मनय् लुया वसैलि भ्रसंग वंम्ह श्री इतःमित कनाः पिजःया बारे खँ छुइ त्यंगु खः ।

कथंहं

हलिं नेवाः गुथि किपू कचां किपुली याःगु

“भिके-ल्ह्वने-न्हूधाः यायेनु”छ्यों तया चिनाखँ गोष्ठी व्वंगु चिनाखँ छसिंकथं

पिकया वनेगु तातुना थ्व चिनाखँ न्ह्यव्वयागु खः

३४.भीगु आजुइ मथ्यंतले न्ह्यां वनेनु

न्हुछेनारायण श्रेष्ठ

इन्द्रायणी, सँक्व

छगू भिन्न परिवेश,

छगू न्हूगु बुखँ ज्वनाः

जि छिकपिनिगु नुगःदुने संचारया हलिमय्

नुगः कय्-कय् कुंकाः वयाच्वना

तुतां चुयाः,

तःज्याःगु मिखाय् हाकुगु चस्मा तयाः

न्ह्यःने ल्यूने, तातापाःगु थायबाय्या

बुखँ ज्वनाः वयाच्वना

प्यखें अन्धकार,

मनू व पशुपंक्षीया चित्कार,

हाहाकार अले

गुमनाम नेपामिया सः व लू खनाः

यक्वसिया नुगः भाराभारा जुल

सुथय्, न्हिनय्, वहनी

मदिक्क भूमि संकाच्वन,

मचा, ल्याय्म्ह, ज्याथः सुं मधाः

समानकथं संकाः हे च्वन

ऐतिहासिक धरोहर, भीगु सम्पदा,

तजिलजियात छथुं हे र्वस्वानाः नष्ट यात

गुलि सर्वसाधारण नागरिक सित,

गुलि अपांङ्ग, टुहुरा जुल

सकसिनं हेला याःगु

सार्वजनिक थायबाय्

सकसिगु म्वायेगु आधार जुल

छकः मखु निकः मखुं ढुलं ढः

भुखाय् व्वयेधुंकल

अभ्र नं हलिमय् चाहिलाः च्वंगु हे दनि

पूर्वनिसें पश्चिमतक,

उत्तरनिसें दक्षिणतक

गुबलें भुखाय्,

गुबलें खुसिबाः,

चलः वया हे च्वन

भीगु तजिलति, भीगु परम्परा

भीसं हे म्वाके

गां, नगर, फुक्कं थाय्या पुनर्निर्माणया नितिं,

ऐतिहासिक धरोहर देकेगु नितिं

भीगु हिचःति नेपालय् हे प्वंके

भीगु सम्पदा भीसं हे म्वाके

छाय् कि स्वनिगःया सम्पदा

नेपाःया अमूल्य सम्पदा खः

तर, तर दछिं पुलेधुंकल

पुनर्निर्माणया जिम्मा काःपिं ठेकेदारपिसं

देकेगु कुतः जुयामच्चं

बरु एन.जि.ओ, आइ.एन.जि.ओ.त नापं

ककुल्वाकाः डलर नयेगु ज्या जुयाच्वन

पीडितत त्वचं सीमा, नयेमखनाः सीमा

सडकय् च्वनेमा, छात्राय् वा टहराय् च्वनेमा

ट्याक्व हे खबरदारी छाय् मयायेमा

सरकारयात छु मतलब

बरु सरकारया पीडिततय्गु सः न्यनेगु ई मदु

उकिं हे सच्चा इमान्दार, स्वाभिमानी नेपाःमि

इलय् हे न्ह्यलं चायेकि

नेपाःया राजनीतिक दलत

व सरकारयात खबरदारी यायेनु

नेपाः दयेकेगु महाअभियानय् सर्कसिनं पलाः न्ह्याकेनु

भीसं हें दयेकेगु कुतः यायेनु

मांया घालय् मल्हम पट्टी चिकाः घाः लंके

भीगु भाषा म्वाकेत,

भीसं हे पलाः मदिक्क न्ह्याके

पूर्वतयारी व प्रविधि इलय् हे छयले

सकारात्मक व समाज ह्यूपाःया निम्ति

न्हुगु पलाःया सुचं बियाः

न्हूगु बुखँ ज्वनाः हाकनं मदिक्क वनेनु

चाहे भुखाय्, सुनामी, वाढीपहिरो छाय् मवयेमा

भीगु आजुइ मथ्यंतले न्ह्यां वनेनु

आजुइ मथ्यंतले न्ह्यां वनेनु

३५.जीवनया लिधंसा

तेज बहादुर नकःमि

किपू

जि थःम्हं थःके न्यनास्वया

छ सु ख ?

छाय् थन सह यायेगु जक ला

न्ह्याम्हसें न्ह्यागु याःसां

पाय्छि धकाः जक हालाच्वनेगुला ?

थःम्हं थःत ल्याखय् मदुम्ह भाःपियाः च्वनेगुला ?

कर्म ज्वनाः वयागु धकाः हालाच्वने स्वयाः

कर्मयात वांछ्वयाः कर्तव्य म्हसीका छयले मसःला ?

इच्छा लालसा वांछ्वयाः थःगु कर्तव्य म्हसीकेमाल ।

छन्हु वइ न्हिलेसू ख्वाःपाः व्वयेगु दिन ला ।

राग, द्वेष, चुकली यायेगु स्वयाः

थःगु देय् मांभाय् म्हसीकेगु चित्त वीफयेमा

जीवनया मूरहस्य तंकाः च्वनेमाल थःम्हं थःत ला ।

जीवनय् छन्हु ल्यूया ल्यू

वइच्वनी धइगु भलसा कयाः ।

३७.जिन्दगी भवाःजूगु छप्वः स्वां

विकास महर्जन

ध्वाखासि, पांगा

थन जिन्दगी

छगू ब्यापार जुयाच्वन

मनुखं न्यानाच्वन जिन्दगी

मनुखं मियाच्वन जिन्दगी

ध्यबां न्याये मदुगु अमूल्यगु जिन्दगी

मनुखं सिन्कि भावं मियाच्वन ।

अहो ! गुज्वःगु जिन्दगी

जि म्वानाच्वनागु जिन्दगी

जिन्दगीया लागिं धाधां

जि जिगु जिन्दगी ध्वग्गीका च्वना

वाध्यताया सिखलं चिकाः

कतःपिन्त कनेथें धयाच्वना जिं

“आहा ! जिन्दगी !”

जिगु जिन्दगी जिं

ध्यबानापं कालबिल यानाच्वना

उकिं थौं जिके

जिन्दगी म्वायेत

ई मदु, धैर्य मदु प्रेम मदु

छुं छुं हे मदु

जिन्दगी तंगु जिगु जिन्दगी

भवाः जूगु छप्वः स्वां जुयाच्वन ।

गुक्वःगु सहिद स्मृति कप क्वचाल रदिप महर्जन व श्याम महर्जन उपाधि त्याकल



युवा खेलकुद समूह कीर्तिपुर आयोजना या:गु नवौ सहिद स्मृति कप उपत्यका व्यापी खुला व्याडमिन्टन प्रतियोगिता सनिवा: क्वचाल। प्रतियोगिता ललितपुर हरिसिद्धिया रदिप महर्जन व श्याम महर्जन उपाधि त्याकेत ता:ला:गु दु।

रदिप व श्याम महर्जनया जोडी कीर्तिपुरया अजय पाण्डे व पुष्प खड्काया जोडीयात २१-१९ व २१-११ या सोभो सेट बुकूगु खः।

न्हापाला:पिन्त नगद रु.१० हजार, ल्यूयात ५ हजार व ल्यूयाल्यूया ३/३ हजार

नगद लिसें टुफी, प्रमाणपत्र ल:ल्हा:गु खः।

मूपाहां नेपाल मजदुर किसान पार्टीया केन्द्रीय सदस्य नापं सांसद प्रेम सुवाल स्वास्थ्य, मित्रता, अनुशासन व सार्वभौमिकता र क्षाया निति खेलकुद पाखें नं यायेफइगु जूगुलिं खेलकुद निरन्तरता बीमा:गुली जोड बियादिल। सत्ताय् थ्यिं शासक दलत देश व जनताया हितय् ज्या यायेगु स्वया: भ्रष्टाचार, अनैतिक ज्याय् जक ध्यान बियाचवंगु धया:दिसें देसय् सरकारयात अनुशासनया पाठ खेलाडीतसें स्यनेमा:गु अवस्था व:गु धयादिल। वय्कलं भारत

नेपालभूमिइ नेपा:मितसें कल्भर्ट दयकूलय् भारतीय सिमाना सुरक्षा बलं गोलीं कय्का: नेपा:या ल्याय्म्ह गोविन्द गौतमया स्या:गु, संविधान जारी या:गु निहुँल्य नाकाबन्दी या:गु, नेपा:या भू भाग अतिक्रमण या:गु विरोधय् सकल युवा:त लगय् जुइमा:गु व देय्या रक्षाय् खेलाडीतय्गु नं ल्हा: दुगु धयादिल। उगु ज्याभवलय् सहिद स्मृति व्यवस्थापन समितिया अध्यक्ष सिद्धिकुमार मानन्धर, कीर्तिपुर व्याडमिन्ट क्लबया अध्यक्ष राजु महर्जन, राष्ट्रिय व्याडमिन्टन खेलाडी राम राई लगायतयापिन्सं निरन्तर

खेलकुदया आयोजना या:गुलिं सुभाय् बियादीसें कुशल खेलाडी तयार याये फय्मा धका: कामना याना:दीगु खः। प्रतियोगिताया संयोजक नारायण महर्जन ऐतिहासिक जन आन्दोलन २०४६य् सहादत जुयादीपिं सहिदपिनिगु लुमन्ति कासा ग्वयागु व न्हूपिं खेलाडीपिन्त सहिदया इतिहासवारे थुइकेगु व खेलकुदपाखें मित्रता दयेकेगु आजु प्रष्ट यानादिल।

प्रतियोगिता समूहया अध्यक्ष हरिकुमार महर्जनया सभापतित्वमा जूगु खः। त्या:पिं कासामिपिनत मूपाहां प्रेम सुवाल, पार्हापिं नन्दकुमार महर्जन, राजु महर्जन, सिद्धिकुमार मानन्धर सिरपा: ल:ल्हानादीगु खः। थुगुसीया कासामि धका: सरोज मालाकार यात घोषणा या:गु खः। युवा खेलकुद समूहया अक्षय कोष स्थापना अभियानय् किपू त्यालैया व्याडमिन्टन कासामिपिं खेमराज पोखरेल व राजेन्द्र प्रसाद पौडेलपिन्सं म्हातिं नीत्याद: सच्चि तका तयादीगु खः।

छित: स्थानीय नेता, उद्घोषक, वक्ता नापं बांला:म्ह एफ एम संचालक यायेगु
जिमिगु अभियान

छिगु नितिं मदयेकं मगा:गु

- संचार साक्षरता
- न्वचू कला
- उद्घोषण
- एफ एम संचालन



पत्रकार
श्रीकृष्ण महर्जन
चव्यादीगु सफू

नासः

उकिया नितिं छिं सफू न्याना ब्वनादिसं।

छि थ: स्वयम हे सक्षम जुयादिसं।

सफूया नितिं फोन ल्या: ४३३३००७,
९८४१४०१०७७, ९८४१७५२५८३

भर्ना खुल्यो ! भर्ना खुल्यो !!

विगत १० वर्षदेखि संचालित
कीर्तिपुर गृहिणी महिला
विद्यालयमा शैक्षिक शत्र २०७४
को लागि कक्षा १ देखि कक्षा
१० सम्म भर्ना खुल्यो।



कीर्तिपुर गृहिणी महिला विद्यालय

समल कीर्तिपुर,

फोन नं. ४३३२२४८, ९८४१६४९९८९

भर्ना खुल्यो ! भर्ना खुल्यो !!

बाल विकास शिक्षामा लामो समय देखि सेवारत समूहद्वारा
सञ्चालित **PRAYAS PRE-SCHOOL & TRAINING CENTER** मा
नयाँ भर्ना खुल्यो !!!

हाम्रो विशेषताहरू

- पूर्ण तालिम प्राप्त प्रशिक्षकहरू भएको।
- लामो समय देखि बाल विकास शिक्षामा कार्यरत प्रशिक्षकहरू भएको।
- खुल्ला र रमणिय वातावरण भएको।
- यातायातको व्यवस्था भएको।
- स्वस्थ र पोषणयुक्त खानाको व्यवस्था भएको।
- नियमित स्वास्थ्य परिक्षण गरिने।
- अधिक शैक्षिक सामग्रीहरूले सजिएको कक्षा कोठाहरू भएको।
- अंग्रेजी र नेपाली भाषाको दुई प्रशिक्षकहरूको व्यवस्था भएको।
- पर्याप्त खेल सामग्री र खेल मैदान भएको।
- डे केयरको समेत व्यवस्था भएको।
- भुकम्प प्रतिरोधी भवन भएको।
- श्रव्य दृष्यको माध्यमबाट अध्यापन गराइने।
- शिक्षक तालिमको व्यवस्था भएको।



प्रयास प्रि-स्कूल तथा तालिम केन्द्र

भाजङ्गल चौतारी नजिकै, की.न.पा-१८, भाजङ्गल
सम्पर्क: ९८४१४७८५८३७, ९८०८७५४८२९

Facebook: Prayash Montessori
E-mail: prayash2073@gmail.com